



Broj: 03-45-1-2205/21
Datum: 14.12.2021.godine

OPĆINSKO VIJEĆE

PREDMET: Informacija o stipendiranju studenata sa teritorije općine Maglaj za školsku 2020/2021.godinu,- dostavlja se

Poštovani,

U sklopu Plana rada Općinskog Vijeća Maglaj za 2021.godinu kao tačke dnevnog reda planirana je i tačka „Informacija o stipendiranju studenara sa teritorije općine Maglaj za školsku “

Shodno navedenom u prilogu dostavljamo materijale za gore navedenu tačku, koji smo izradili na osnovu informacija dobijenih po Javnim pozivima Ministarstva za boračka pitanja i Ministarstva za obrazovanje, nauku, kulturu i sport ZDK, kao i Javnog poziva Općine Maglaj.

Uporedo radeći po gore navedenim javnim pozivima, Općina Maglaj se obratila svim ustanovama i institucijama za koje je imala informaciju da vrše stipendiranje studenata, te smo i te podatke uvrstili u dostavljenu informaciju.

S poštovanjem

Obrađivač: Služba za boračko-invalidsku i socijalnu zaštitu,
opću upravu i društvene djelatnosti

DOSTAVLJENO:

1. Naslovu
2. Arhiva



NAČELNIK OPĆINE
Mirsad Mahmutagić

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON
Općina Maglaj



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON
The Municipality of Maglaj

OPĆINSKOM VIJEĆU
OPĆINE MAGLAJ

INFORMACIJA
o stipendiranju studenata sa teritorije općine Maglaj za školsku 2020/2021 godinu

Maglaj, decembar 2021. godine

U toku akademske 2020/2021. godine raspisani su konkursi i dodijeljene stipendije redovnim studentima sa područja općine Maglaj od strane Ministarstva za boračka pitanja i Ministarstva za obrazovanje, nauku, kulturu i sport ZDK i Općine Maglaj.

Ministarstvo za obrazovanje, nauku, kulturu i sport ZDK je 28.06.2021. godine raspisalo Konkurs za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona za akademsku 2020/2021. godinu, a sa pozicije „Tekući transferi drugim nivoima vlasti-Tekući transfer za stipendiranje studenata“ Budžeta Zeničko-dobojskog kantona za 2021. godinu.

Na raspisani Konkurs sa područja općine Maglaj prijavili su se **35** redovnih studenata prvog i drugog ciklusa studija.

Komisija imenovana od strane načelnika općine razmotrila je prijave studenata dostavljene na Konkurs i utvrdila da 35 studenata ispunjava uvjete prema Kriterijima za dodjelu stipendija.

Na osnovu Kriterija Komisija je utvrdila prijedlog rang liste 35 studenata za dodjelu stipendija i dostavila nadležnom Ministarstvu za obrazovanje, nauku, kulturu i sport, koje je prihvatilo prijedlog rang liste zaključno sa brojem 33, a za 2 studentice je utvrđeno da su koristile usluge studentskih domova što je suprotno Kriterijima Konkursa, a u čije evidencije Ministarstvo za obrazovanje, nauku, kulturu i sport ima uvid.

Ministarstvo za obrazovanje, nauku kulturu i sport ZDK je dodjelilo stipendije za 33 studenta koji su ispunili uvjete Konkursa u iznosu od po 485,00 KM za svakog studenta, a za pet studenata koja studiraju za deficitarno zanimanje i ima prosječnu ocjenu najmanje 8,5 dodatno još iznos od 485,00 KM, što je u konačnici iznos za deficitarna zanimanja iznosio 970,00 KM po studentu.

Prema tome Ministarstvo za obrazovanje, nauku, kulturu i sport ZDK kantona dodjelilo je:

- 11 stipendija studentima I godine studija,
- 4 stipendija studentima II godine studija,
- 11 stipendija studentima III godine studija,
- 3 stipendije studentima IV godine studija,
- 2 stipendije studentima I godine II ciklusa studija,
- 2 stipendije, studentima II godine II ciklusa studija.

Dodjeljene stipendije isplaćene su studentima u jednoj rati u iznosu od 485,00 KM, odnosno 970,00 KM za deficitarna zanimanja i time je stipendija Ministarstva za obrazovanje, nauku, kulturu, i sport ZDK za akademsku 2020/2021. godinu realizirana i blagovremeno dostavljeno pravdanje namjenski doznačenih sredstava stipendije nadležnom Ministarstvu.

Općina Maglaj je na osnovu Odluke Općinskog vijeća Maglaj od 23.09.2021.godine o dodjeli studentskih stipendija raspisala 25.10.2021. godine Konkurs za dodjelu studentskih stipendija redovnim studentima I i II ciklusa studija sa područja općine Maglaj za akademsku 2020/2021. godine.

Na raspisani Konkurs prijavila su se 24 redovna studenta sa područja općine Maglaj. Komisija imenovana od strane načelnika općine je uvidom u prijave utvrdila da 21 student ispunjava uvjete Općih kriterija za dodjelu stipendija redovnim studentima I i II ciklusa

studija sa područja općine Maglaj za akademsku 2020/2021. godinu, a koje je utvrdilo Općinsko vijeće Maglaj.

Tri prijavljena studenta nisu ispunjavala uvjete Konkursa i Općih kriterija za dodjelu stipendija (jedan od studenata studira na privatnom fakultetu, jedna studentica je tek u 2021/2022 akademskoj godini upisala I godinu studija, a jedna studentica nije studirala tokom akademske 2020/2021 godine - napravljena pauza između završetka I ciklusa i upisa na II ciklus studija).

Saglasnost na preliminarnu listu, a potom i na konačnu listu dala je Komisija za obrazovanje, nauku, kulturu i sport Općinskog vijeća Maglaj, koja je ujedno uputila i prijedlog iznosa stipendije načelniku općine.

Prema navedenom, dodijeljene su stipendije za:

- 6 studenata I godine studija,
- 7 studenata II godine studija,
- 4 studenata III godine studija,
- 2 studenta IV godine studija,
- 2 studenta I godine II ciklusa studija,

Dodijeljene stipendije biće isplaćene studentima u iznosu od 1.000,00 KM, a isplata istih vršit će se u skladu sa prilivom sredstava u Budžetu.

Kad su u pitanju nadareni studenti i studenti koji studiraju deficitarna zanimanja za školsku 2020/2021 godinu, odabir studenata koji će ostvariti pravo na ovu stipendiju biće određeno krajem 2021.godine, a shodno Zzaključku Općinskog Vijeća Maglaj sa 19. redovne sjednice održane dana 04.07.2018.godine. (*Zaključak 9.2. Ovlašćuje se Općinski načelnik da nakon prethodno provedenih konsultacija sa privrednim subjektima i institucijama utvrdi i opredijeli strukturu deficitarnih zanimanja.*)

Stipendije Ministarstva za boračka pitanja ZDK

Ministarstvo za boračka pitanja ZDK je 03.11.2020. godine raspisalo Konkurs za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona za akademsku 2020/2021. godinu.

Na raspisani Konkurs sa područja općine Maglaj prijavilo su se 184 redovnih studenata prvog i drugog ciklusa studija.

Služba za boračko-invalidsku i socijalnu zaštitu, opću upravu i društvene djelatnosti razmotrila prijave studenata dostavljene na Konkurs i utvrdila da 179 studenata ispunjava uslove prema Kriterijima za dodjelu stipendija.

5 studenata nisu dostavljenom dokumentacijom ispunjavali Opće kriterije, a odnosili su se na:

- 1 student roditelj je imao registrovano privredno društvo,
- 2 studenta ponavljaju godinu studija za koju je već dobio stipendiju;
- 2 studenata, prihodi po članu domaćinstva prelaze prosječnu mjesečnu plaću u Kantonu;

Na osnovu Kriterija prijedlog rang liste od 179 studenata za dodjelu stipendija je dostavila nadležnom Ministarstvu za boračka pitanja ZDK je dostavilo konačnu listu korisnika stipendija od 160 studenata, gdje je 19 studenata odbijeno iz razloga nedostatka finansijskih sredstava u Budžetu kantona.

Nakon provedenih procedura žalbenog roka Ministarstvo za boračka pitanja ZDK je dostavilo Konačnu listu korisnika stipendija od 160 studenata i dodjelila stipendije za I godinu u visini od 800 KM a za sve ostale godine studija 1.200 KM.

Prema tome Ministarstvo za boračka pitanja ZDK dodijelilo je:

- 36 stipendija studentima I godine studija, i to 26 za I ciklus i 10 za II ciklus studija;
- 53 stipendija studentima II godine studija, i to 51 za I ciklus i 2 za II ciklus studija;
- 48 stipendija studentima III godine studija,
- 20 stipendija studentima IV godine studija,
- 2 stipendije studentima V godine studija;
- 1 stipendija studentima VI godina studija;

Po boračkim kategorijama pravo na studentsku stipendiju ostvarilo je :

- 130 djece demobilisanih boraca;
- 20 djece ratnih vojnih invalida;
- 7 djece umrlih demobilisanih boraca;
- 2 djece umrlih ratnih vojnih invalida;
- 1 dijete dobitnika najvećeg ratnog priznanja

Napominjemo da nismo bili u mogućnosti razraditi informaciju po smjerovima unutar fakulteta, iz razloga što na većini potvrda o upisu na visokoškolske ustanove sem naziva fakulteta ne stoji i naziv odsjeka ili smjera koji student pohađa.

Također, napominjemo da smo svim javnim ustanovama i institucijama, kao i fondacijama koje djeluju na teritoriji Federacije BiH, poslali upute da nam dostave podatke o stipendiranju studenata sa teritorije općine Maglaj iz njihovih sredstava, gdje nam je samo JU Gradska Apoteka Maglaj dostavila informaciju o stipendiranju 3 studenta. Svi ostali ili su poslali informaciju da nemaju studenata koje stipendiraju ili nisu poslali nikakvu informaciju.

Obradivač: Selena Šehić
Benaha Hadžišehić

Kontrolor : Eldina Mehinagić



NAČELNIK OPĆINE
Mirsad Mahmutagić